

## CONVENIO DE COLABORACIÓN ENTRE A UNIVERSIDADE DE VIGO E A FUNDACIÓN EMPRESA-UNIVERSIDADE GALEGA (FEUGA)

Vigo, 30 de abril de 2016

### REUNIDOS

**Dunha parte**, don Salustiano Mato de la Iglesia, reitor da Universidade de Vigo, en nome e representación desta institución, nomeado segundo Decreto 47/2014 do 24 de abril, publicado no DOG nº 79 de 25 de abril, no uso das atribucións conferidas polo artigo 20 da Lei Orgánica 6/2001, do 21 de decembro, de Universidades (LOU), e artigo 58 do Decreto 7/2010, do 14 de xaneiro, polo que se aproban os estatutos da Universidade de Vigo.

**E doutra**, don Javier Pereiro Pérez en calidade de Director Xeral da Fundación Empresa Universidade Galega (FEUGA), con NIF G-15051667 e domicilio social na rúa Lope Gómez de Marzoa, 15705 Santiago de Compostela, actuando en nome e representación desta entidade, facultado en virtude da escritura de poder de data 19 de outubro de 2009 autorizada perante o notario de Ferrol dona Susana Ortega Fernández, co número de protocolo 963.

Recoñécense mutuamente as partes, na calidade coa que intervén cada unha, a capacidade legal e representación necesarias, que aseguran vixentes, para outorgar o presente convenio e asumir as cargas, dereitos e obrigas que dimanan do mesmo e, a tal efecto,

### MANIFESTAN

- I. Que a Universidade de Vigo, de acordo co previsto na Lei Orgánica de Universidades e nos seus estatutos, é unha entidade de derecho público que goza da

autonomía prevista no artigo 27.10 da Constitución e ten plena personalidade xurídica e patrimonio propio para a consecución dos seus fins, entre os que destaca a prestación dun servizo público de ensino superior mediante a investigación, a docencia e o estudio; constituíndo funcións da Universidade ao servizo da sociedade as seguintes:

1. A creación, desenvolvemento, transmisión e crítica da ciencia, da técnica e da cultura.
  2. A preparación para o exercicio de actividades profesionais que esixan a aplicación de coñecementos e métodos científicos e para a creación artística.
  3. A difusión, a valorización e a transferencia do coñecemento ao servizo da cultura, da calidade da vida e do desenvolvemento económico.
  4. A difusión do coñecemento e a cultura a través da extensión universitaria e a formación ao longo de toda a vida.
- II. FEUGA é unha fundación de interese galego recoñecida pola Orde do 1 de agosto de 1984 (DOG do 26 de outubro), inscrita no Rexistro de Fundacións da Xunta de Galicia co número 155, e foi fundada polas tres universidades galegas e as entidades públicas e privadas, agrupacións, cámaras de comercio e confederacións empresariais asinantes da súa carta fundacional, ostentando a Universidade de Vigo (en adiante, UVI), a condición de membro fundador da Fundación Empresa-Universidade Galega (en adiante, FEUGA), segundo se lle recoñece no texto refundido dos Estatutos da citada fundación, con data do 30 de abril de 1993. Segundo sinalan os seus Estatutos, FEUGA ten como obxecto, entre outros, o fomento e desenvolvemento do diálogo e a comunicación entre a Universidade e a empresa, e a busca de solucións para a satisfacción de necesidades comúns.

Ademais a Fundación Empresa-Universidade Galega (FEUGA), de conformidade co establecido na Orde do Ministerio de Educación e Ciencia do 16 de febreiro de 1996, está inscrita co nº76 como Oficina de Transferencia de Resultados de Investigación (OTRI) no libro rexistro establecido para o efecto, isto é, como estrutura para fomentar e facilitar a cooperación en actividades de I+D entre investigadores e empresas. En virtude da súa condición de OTRI, está integrada na Rede OTRI do Ministerio de Ciencia e Innovación como axente intermediario no sistema ciencia-tecnoloxía-empresa, tendo como misión, na condición de tal, a de dinamizar as relacións entre os axentes do sistema e identificar as necesidades tecnolóxicas dos sectores socioeconómicos e a favorecer a transferencia de tecnoloxía entre o sector público e o privado, contribuíndo así á aplicación e comercialización dos resultados da I+D xerados nas Universidades e centros públicos de investigación.

O obxecto fundacional de FEUGA é o fomento e desenvolvemento do diálogo entre a Empresa e a Universidade, a integración social e o perfeccionamento da economía galega. Para concretar este obxectivo, a Fundación centra a súa actividade entre outros nos seguintes obxectivos prioritarios:

- a) A promoción que busca afondar no coñecemento da oferta e a demanda tecnolóxica, co obxecto de transferilo.
- b) Oficina de Proxectos, que desenvolve a súa actividade dentro da área de financiamento, asistencia e colaboración, co fin de potenciar a participación en proxectos nacionais e internacionais, fomentando así a cooperación e internacionalización de grupos de investigación e empresas.

Como entidade de dereito privado, sen fins lucrativos e dedicada ao desenvolvemento da economía e da sociedade de Galicia, e segundo indica o seu plan estratégico, FEUGA ten como misión incrementar a medio e longo prazo a

cantidad e calidade dos proxectos de I+D desenvolvidos polas empresas galegas en colaboración cos grupos de investigación universitarios, buscando novos mecanismos de colaboración para tales efectos. Ademais, FEUGA ten como fin primordial, recollido nos seus estatutos, a canalización dos recursos destinados á investigación e docencia dende e cara á universidade, constituíndo un axente axeitado para a transferencia de coñecementos e tecnoloxía entre Universidade e empresa.

**III.-** Que o artigo 2.2 da LOU, modificada pola Lei Orgánica 4/2007, do 12 de abril, establece que a autonomía das universidades comprende, entre outros, “*o establecimiento de relacións con outras entidades para a promoción e desenvolvemento dos seus fins institucionais.*”

No artigo 83 da LOU facúltase aos grupos de investigación, recoñecidos pola universidade, aos departamentos e aos institutos universitarios de investigación, e ao seu profesorado a través dos mesmos ou dos órganos, fundacións ou estruturas organizativas similares da universidade dedicados á canalización das iniciativas investigadoras do profesorado e á transferencia dos resultados de investigación, a celebrar contratos con persoas, universidades ou entidades públicas e privadas para a realización de traballos de carácter científico, técnico ou artístico, así como para o desenvolvemento de ensinos de especialización ou actividades específicas de formación.

**IV.-** Que a Lei 14/2011, do 1 de xuño, da Ciencia, a Tecnoloxía e a Innovación, contempla no seu artigo 34.1 que os axentes públicos do Sistema Español de Ciencia, Tecnoloxía e Innovación, incluídos as universidades públicas, os organismos públicos de investigación da Administración Xeral do Estado, os organismos de investigación doutras administracións públicas, e os centros e institucións do Sistema Nacional de Saúde, poderán subscribir convenios de colaboración suxeitos ao dereito administrativo.

Este precepto engade que poderán celebrar estes convenios os propios axentes públicos entre si, ou con axentes privados que realicen actividades de investigación científica e técnica, nacionais, supranacionais ou estranxeiros, para a realización conxunta das seguintes actividades:

- a) Proxectos e actuacións de investigación científica, desenvolvemento e innovación.
  - b) Creación ou financiamento de centros, institutos e unidades de investigación
  - c) Financiamento de proxectos científico - técnicos singulares.
  - d) Formación de persoal científico e técnico.
  - e) Divulgación científica e tecnolóxica.
  - f) Uso compartido de inmobles, de instalacións e de medios materiais para o desenvolvemento de actividades de investigación científica, desenvolvemento e innovación.
- V.- De conformidade co disposto no artigo 4.1.d) do Real Decreto lexislativo 3/2011, do 14 de novembro, polo que se aproba o texto refundido da Lei de Contratos do Sector Público, son negocios e relacións xurídicas excluídos do ámbito de aplicación da devandita lei “os convenios de colaboración que, de conformidade coas normas específicas que os regulan, celebre a Administración con persoas físicas ou xurídicas suxeitas ao dereito privado, sempre que o seu obxecto non estea comprendido no dos contratos regulados nesta lei ou en normas administrativas especiais.”

Como Anexo I, FEUGA incorpora ao presente Convenio a relación de empresas e entidades que forman parte integrante de FEUGA ou teñen establecidas relacións de colaboración coa mesma a través das categorías que ten recoñecidas (ex: fundadores, de número, adheridos, colaboradores e membros de honra) e que

xustifica a elección directa desta Fundación para subscribir o presente Convenio, sen promover concorrencia.

Neste senso, o feito de ter recoñecida a condición de OTRI, de estar fundada polas tres Universidades galegas e vinte e tres empresas das máis relevantes de Galicia e a través de distintas figuras recoñecidas nos seus Estatutos, ter unha implantación no tecido empresarial galego, xustificaría a súa idoneidade para a subscrición dun convenio destas características, por canto que, a súa experiencia, a súa intensa relación coa empresa e o seu coñecemento en detalle da oferta tecnolóxica da Universidade a sitúan nun lugar preeminente das relacións Universidade-empresa.

- VI.-** Que ambas institucións teñen concorrencia de intereses, servizos complementarios e intención común en colaborar do mellor xeito posible no desenvolvemento de actuacións relacionadas con proxectos de I+D+i, sendo de interese mutuo o establecemento de canles que posibiliten a colaboración e fomenten a cooperación entre ambas as institucións.

Neste contexto, a Universidade de Vigo e FEUGA salientan a necesidade de unir esforzos para impulsar e apoiar as actuacións que se dirixan á satisfacción dun fin común consistente en promover a relación do sistema universitario e do tecido empresarial galego para a execución de proxectos de investigación, a potenciación mutua da súa actividade investigadora e de transferencia coa participación conxunta en proxectos de investigación e a obtención de beneficios mutuos, concretados, entre outros, nunha mais fluída transferencia de resultados da investigación universitaria, un maior coñecemento por parte da comunidade universitaria do mundo empresarial e, en xeral, un maior progreso da sociedade á que, en última instancia, toda organización debe servir.

Deste xeito, a Universidade de Vigo e FEUGA comparten a idea de que a súa colaboración conxunta terá efectos moi positivos, así coma na diagnose de que

debe avanzar no deseño de mecanismos de colaboración e cooperación conxunta para acadar un incremento da investigación de alto nivel e da súa transferencia para modernizar o sector empresarial, a excelencia científica, a proxección internacional e a transformación do coñecemento xerado en innovación. Por todo iso, e conscientes da necesidade de colaborar en diferentes actuacións que permitan a obtención dos obxectivos expostos e, sen prexuízo da existencia doutros convenios particulares entre as institucións asinantes, ambas as partes, de común acordo, declaran a súa vontade de subscribir o presente Convenio, con arranxo ás seguintes

## CLÁUSULAS:

### Primeira.- Obxecto

O obxecto deste convenio é o establecemento dun marco de cooperación entre a Universidade de Vigo e FEUGA no desenvolvemento de actividades de interese público mutuo para ambas as partes que contribúan ao cumprimento dos seus fins institucionais e en concreto, o fomento da actividade de I+D nas empresas, así como promover a transferencia dos coñecementos científico-técnicos xerados na Universidade a fin de introducir as actividades de investigación no ámbito económico e social.

O desenvolvemento do presente convenio de colaboración se materializará en programas, proxectos e contratos de I+D+i promovidos por FEUGA e a Universidade de Vigo e ten como obxecto enmarcar e coordinar a actuación de FEUGA e a Universidade de Vigo en asesoramento, intercambio de información e realización de proxectos, nos campos da investigación e transferencia de tecnoloxía.

As materias e modalidades de colaboración poderán ser as seguintes:

- 1) Procura e seguimento da posta en marcha de contratos de investigación ao abeiro do artigo 83 da LOU.

- 2) Posta en marcha de proxectos e programas de investigación e desenvolvemento para realizar na Universidade de Vigo e/ou nos Departamentos e Áreas de Xestión de FEUGA.
- 3) Prestación recíproca de servizos técnicos, infraestruturas e asesoramento mutuo en cuestiós relacionadas coa actividade de FEUGA e a Universidade de Vigo.
- 4) Estimular a participación dos grupos de investigación nos proxectos de I+D da Unión Europea, apoando tecnicamente e asesorando na elaboración e presentación de propostas.
- 5) Cantas outras sexan consideradas de interese mutuo, e necesarias para o desenvolvemento do presente acordo marco de colaboración debendo ser avaliadas pola comisión de seguimento establecida na cláusula séptima do presente acordo.

## **Segunda.- Desenvolvemento do Convenio respecto de proxectos de I+D+i subvencionados con fondos europeos, estatais e autonómicos.**

Para a participación e execución dos Programas e/ou Proxectos de I+D+i subvencionados con fondos europeos, estatais e autonómicos a través de convocatorias en concorrencia competitiva en que se materialice o presente Convenio se redactarán Convenios específicos adaptados a cada convocatoria que, de xeito exemplificativo, poderán conter os seguintes datos:

- Denominación.
- Centros e entidades que executarán o programa ou proxecto e o director do mesmo.
- Definición dos obxectivos que se agardan acadar.
- Descripción do plan de traballo, que incluirá as fases que se deban desenvolver, a planificación de actividades e cronoloxía do seu desenvolvemento.

- Orzamento total, medios materiais e humanos que requira o programa ou proxecto, especificando as contribucións de cada entidade e o xeito de realizaras, así como o calendario das achegas, e no seu caso, a propiedade dos medios materiais adquiridos ou construídos no marco do proxecto ou programa.
- Aspectos e detalles relativos á redistribución financeira para cada proxecto aprobado, o xeito de pagamento ao terceiro, a contabilización do ingreso e a obriga de pagamento ou compensación do custe que deba soportar o terceiro.
- Normas para a coordinación, execución e seguimento do proxecto.
- De ser o caso, utilización e propiedade dos resultados acadados.
- Nomeamento dun representante por cada parte, que coordinarán a marcha e desenvolvimento do proxecto ou programa.

Os Convenios específicos que se subsciran en execución deste convenio de colaboración, se inspirarán e respectarán o presente convenio, e así constará e se constatará para cada un dos Convenios e/ou Acordos que se celebren para a execución dos proxectos financiados, respectando en cada caso a regulamentación e normativa interna de FEUGA e Universidade de Vigo.

Os programas e/ou proxectos que se desenvolvan no marco do presente convenio de colaboración deberán ser aprobados polos órganos competentes da Universidade de Vigo e FEUGA.

## Terceira.- Compromisos da Universidade de Vigo

A Universidade de Vigo asume, en virtude do presente convenio, o desenvolvimento das seguintes actividades:

- 1) Respecto dos contratos de investigación regulados ao abeiro do artigo 83 da LOU:

- i) Proporcionar os medios materiais e humanos que resulten necesarios para o desenvolvemento de cada unha das actividades investigadoras que se formalicen coas empresas a través dos contratos de investigación.
- ii) Velar polo estrito cumprimento dos proxectos, contratos ou actividades de I+D+i, así como do cumprimento das obrigas que correspondan a cada un dos membros do mesmo, para o cal ditará as directrices que resulten necesarias en relación coa execución do contrato, e que deberán observar os membros dos equipos.
- iii) Xestionar os fondos e os contratos proporcionando a asistencia administrativa, técnica, económica e financeira que resulte necesaria aos investigadores e equipos de investigación para a debida execución do contrato.
- iv) Permitir aos investigadores e ao persoal ligado aos proxectos o acceso e uso daquelas instalacións, equipamentos e instrumentos que sexan propiedade da Universidade de Vigo e que resulten precisos para o desenvolvemento dos traballos comprendidos nos contratos. A disposición das devanditas instalacións efectuarase consonte ás normas de funcionamento interno da Universidade de Vigo e en coordinación cos seus servizos administrativos.
- v) Facilitar, a petición de FEUGA, acceso á base de datos e aplicativo da Universidade de Vigo referente á contabilidade e execución orzamentaria dos proxectos e contratos de investigación para que efectúe o debido seguimento dos contratos subscritos mediante filtros que faciliten en todo o posible aúa procura.

As comunicacións de datos entre a Universidade de Vigo e FEUGA rexeranse polo previsto na Lei Orgánica 15/1999, do 13 de decembro, de Protección de Datos de Carácter Persoal.

2) Respecto de proxectos subvencionados con fondos europeos, estatais ou autonómicos:

- i) Establecer os procedementos que permitan o uso compartido daquelas infraestruturas científico-técnicas das distintas entidades participantes. Se pretende establecer procedementos que permitan o uso compartido daquelas infraestruturas científico- técnicas das distintas entidades participantes, que permitan a optimización das instalacións existentes e evite duplicidades na adquisición e mantemento deste tipo de equipamentos.
- ii) Definir mecanismos para o recoñecemento e funcionamento de equipos de colaboración entre as distintas entidades, de xeito que os seus integrantes e medios postos á súa disposición poidan actuar de xeito operativo e as actividades que desenvolvan sexan validadas polas institucións participantes. En particular, regularase a petición conxunta de proxectos por parte das dúas entidades tratando de acadar unha dimensión suficiente para concorrer a convocatorias competitivas internacionais e para acceder ós fondos de carácter tecnolóxico da man das empresas do sector.
- iii) Achegar o persoal que se determine nos programas ou proxectos aprobados para o seu correcto desenvolvemento. Poñer a disposición dos participantes o persoal investigador ou técnico que determine no acordo ou proxecto, asumindo a súa remuneración e demais obrigas civís e sociais.
- iv) Proporcionar o uso dos bens móbiles e inmóbiles, dos equipos adquiridos ou construídos, que sexan determinados no propio proxecto ou programa pola comisión de seguimento no momento da súa aprobación.
- v) Permitir a FEUGA o uso da marca e da imaxe corporativa da Universidade de Vigo, en caso que exista un Acordo de Financiamento para a cofinanciamento dun proxecto no que colaboren e FEUGA solicite á Universidade de Vigo por escrito e de xeito oficial, o uso da marca e da imaxe corporativa nas súas diferentes modalidades (gráfica, dixital e con independencia do soporte) especificando para tal fin na instancia de solicitude, a finalidade do uso e a súa potencial explotación. A duración deste uso nunca poderá estenderse máis alá da duración dos proxectos.

Sempre e cando o uso de marcas e imaxe corporativas que fagan as partes supoña a obtención de beneficios comerciais e/ou industriais, deberá subscribirse o correspondente Acordo de Transferencia ou a correspondente licenza de explotación.

- 3) Exercer, en coordinación con FEUGA, as funcións de inspección e vixilancia en relación co obxecto do convenio.

## Cuarta.- Compromisos de FEUGA

FEUGA asume, en virtude do presente convenio, o desenvolvemento das seguintes actividades:

- 1) Respecto dos contratos de investigación regulados ao abeiro do artigo 83 da LOU:
  - a) Identificar os resultados acadados polos grupos de investigación da Universidade de Vigo que poidan ser de interese para as empresas.
  - b) Ofrecemento ás empresas da oferta tecnolóxica ou proxectos de I+D da Universidade de Vigo en catálogos tecnolóxicos, ben xerais ou específicos, mediante visitas promocionais, visitas de estudio a empresas e entrevistas con equipos de investigación.
  - c) Tarefas de fidelización dos usuarios dos servizos tecnolóxicos e de I+D da Universidade de Vigo mediante a elaboración e organización de visitas aos servizos de empresas ou entidades, en especial daqueles con posible alto nivel de facturación e promoción dos servizos de I+D+i da Universidade e establecer accións que aumenten o grao de satisfacción dos clientes.
  - d) Realizar unha labor de captación de fondos públicos e privados para o fomento da investigación aplicada da Universidade, desenvolvendo e mantendo un rexistro actualizado de investigadores e proxectos de investigación dos mesmos e elaborando unha memoria anual de actividade, que se remitirá á Universidade.

- e) Procura de proxectos de investigación para a celebración de contratos con diferentes entidades.
- f) Interlocución e colaboración na negociación de contratos e convenios entre as empresas e institucións coa Universidade para o debido dimensionamento das prestacións convidas nos contratos de investigación previstos no artigo 83 da Lei Orgánica de Universidades, asesoramento xeral para elaboración dos orzamentos e memorias técnicas dos contratos de investigación e demais trámites legais necesarios para a posterior asignación dos mesmos.
- g) Posta en valor dos proxectos e colaboración na elaboración da documentación técnica contida no expediente administrativo dende a preparación do contrato e ata a súa formalización.
- h) Colaboración na redacción do borrador dos contratos de prestación de servizos que fosen precisos para desenvolver as actividades de investigación.
- i) Remisión á Universidade de Vigo, para a súa subscrición, das propostas de contratos recibidos por FEUGA.
- j) Con carácter xeral, FEUGA realizará unha labor de interlocución fronte ó cliente durante todo proceso de contratación e execución dos contratos de investigación prestando o debido apoio e soporte á Universidade nas actividades de investigación que lle son encargadas para a súa debida xestión, adecuación técnica e innovación e transferencia de resultados.
- k) Cooperación na realización da planificación dos proxectos que comportará a realización das actividades que a continuación se indican:
  - Programación do proxecto.
  - División do proxecto en tarefas.
  - Programación das tarefas no tempo.
  - Planificar os resultados a acadar como fitos do proxecto.
  - Interlocución e comunicación co cliente en relación á consecución e realización dos fitos do mesmo, as actividades realizadas e o grao de execución dos proxectos.

- l) Cooperación na labor de seguimento dos proxectos de investigación e control da execución dos contratos e as desviacións respecto ós orzamentos e memorias de carácter técnico e económicas elaboradas na fase de preparación dos contratos. Nos contratos de importe superior a 18.000,00 € poderá comportar a colaboración na realización das seguintes tarefas:
- Revisión do cumprimento das tarefas e fitos do proxecto en tempo e interlocución co cliente en relación ó cumprimento e consecución dos mesmos.
  - Impulso das reunións de seguimento dos proxectos: convocatoria da orde do día co debido detalle, hora de inicio e finalización.
  - Elaboración dun informe final relativo a cada proxecto no que consten as desviacións da execución do proxecto en relación aos orzamentos e memorias económicas e técnicas elaboradas na fase de preparación dos contratos e as incidencias acontecidas na execución do proxecto que non fosen previstas nas memorias e planificación inicial.

A realización das labores de seguimento de proxectos que asume FEUGA neste proxecto, de ningún xeito supoñen a asunción do seguimento científico-técnico dos proxectos por canto que, a dirección técnica dos proxectos corresponderá sempre ao persoal investigador da Universidade de Vigo.

- 
- m) Elaboración dun informe de actividade anual no que conste a relación dos novos contratos formalizados e figuren, polo menos, os seguintes datos: identificación do grupo de investigación ou profesor que promove o contrato e resto do persoal ligado a este; obxecto do contrato; persoa física ou xurídica coa que se asina o contrato; importe do contrato (base de facturación sen impostos); anualidades do contrato, se este fose de execución plurianual.
  - n) Realizar unha labor de difusión dos resultados da investigación.

2) Respecto de proxectos subvencionados con fondos europeos, estatais ou autonómicos, deberá estarse aos convenios específicos que se firmen en cada caso e que entre outras materias, poderán incluír os seguintes compromisos:

- a) Busca de proxectos e possibles socios tecnolóxicos, entidades ou empresas para participar nas diferentes convocatorias.
- b) Procura de fondos específicos para o desenvolvimento de proxectos de investigación subvencionados competitivamente.
- c) Definición e configuración de proxectos de investigación asegurando a máxima aliñación cos requisitos especificados nas convocatorias.
- d) Colaboración na presentación e revisión de proxectos colaborativos perante os órganos de financiamento correspondentes incluíndo toda a documentación necesaria para a admisión da proposta a valoración.
- e) Interlocución e consulta sobre as convocatorias co órgano financiador.
- f) A Fundación solicitará e tramitará as solicitudes de axudas de investigación en convocatorias públicas nacionais e estranxeiras, colaborando co persoal da Universidade na elaboración da documentación necesaria (memorias técnicas e administrativas).
- g) Achegar o persoal que se determine nos programas ou proxectos aprobados para o seu correcto desenvolvimento.
- h) Proporcionar os bens móbiles e inmóbiles e medios materiais que se determinen nos programas ou proxectos aprobados para o seu correcto desenvolvimento.
- i) Asistencia no seguimento e xustificación técnica do proxecto, sempre que figure no convenio ou contrato específico posterior.

## Quinta.- Réxime económico e facturación.

- 1) Respecto dos contratos de investigación regulados ao abeiro do artigo 83 da LOU:

Tras a subscrición dos contratos coas diferentes empresas e entidades para o desenvolvemento de actividades de investigación, a Universidade de Vigo e FEUGA emitirán cadansúa factura ao cliente final como compensación das tarefas asumidas en cada contrato e dos gastos e servizos prestados por cada unha das partes cos seus medios materiais e humanos e polo uso de instalacións.

A actuación de FEUGA nos contratos non ten finalidade lucrativa e a súa compensación polos medios comprometidos estará incluída dentro do especificado como custos indirectos no orzamento que aplica a Universidade de Vigo aos contratos de investigación segundo os seus regulamentos, tendo sempre como límite estes custos.

Para a compensación polos servizos asumidos pola Fundación e os medios materiais e humanos e infraestruturas comprometidas, do 10 por cento de límite de custos indirectos que corresponde á Universidade de Vigo en cada contrato, segundo a distribución de beneficios previsto no Regulamento de contratos, convenios e cursos de formación da Universidade de Vigo, FEUGA facturará ao cliente a porcentaxe fixa do 6%, en concepto de apoio ás actividades de investigación, como retribución e compensación pola realización das actividades enumeradas no apartado primeiro da estipulación cuarta do presente convenio. A referida porcentaxe estará incluída na memoria e orzamento de cada proxecto dentro dos custos indirectos que corresponda a cada un deles. FEUGA poderá emitir a factura para o cliente correspondente ao reembolso dos seus custos no momento da formalización dos contratos entre a Universidade de Vigo e as entidades e empresas destinatarias e receptoras dos seus servizos.

A Universidade de Vigo, pola realización das tarefas comprometidas e os medios humanos e materiais postos a disposición da execución dos contratos, percibirá a porcentaxe restante dos ingresos do proxecto (descontada a porcentaxe anterior), en concepto de compensación pola execución das actividades de investigación que conforman o obxecto de cada contrato celebrado e procederá internamente á súa

distribución e reparto segundo o establecido en cada momento no seu Regulamento de contratos, convenios e cursos de formación.

A memoria económica dos proxectos recollerá a compensación que percibirán no seu caso os servizos de apoio e execución intervinetes.

2) Respecto dos proxectos subvencionados con fondos europeos, estatais e autonómicos.

Pola realización das prestacións asumidas por cada unha das partes nos proxectos de investigación subvencionados ó abeiro de convocatorias de concorrencia competitiva, tanto FEUGA como a Universidade de Vigo, percibirán as achegas e financiamento que se determinen no convenio específico que se formalice para o efecto de conformidade co disposto na cláusula segunda do presente convenio.

#### Sexta.- Medios humanos, materiais e técnicos

O persoal de FEUGA que desenvolva as actividades derivadas do presente convenio non terá ningún tipo de vínculo, de carácter laboral ou administrativo, coa Universidade de Vigo, quedando esta exenta de calquera responsabilidade neste sentido.

No desenvolvemento dos compromisos asumidos mediante o presente convenio por FEUGA, esta fundación empregará os seus propios medios humanos e facilitará os medios técnicos necesarios e este persoal dependerá exclusivamente de FEUGA, que deberá cumplir na súa condición de empregadora coas disposicións vixentes en materia laboral, de Seguridade Social e de prevención de riscos laborais, sen que en ningún caso resulte para a Universidade de Vigo, responsabilidade algunha das obrigas nacidas entre FEUGA e os seus empregados, ainda que os despedimentos e medidas que se adopten sexan como consecuencia directa do cumprimento, incumprimento, rescisión ou interpretación do contrato.

Ante o suposto incumprimento do expresado na presente cláusula, ou declaración de relacóns de carácter indefinido coa Universidade de Vigo de persoal formalmente contratado por FEUGA, serán de conta do adxudicatario as indemnizacións as que houbera lugar pola extinción dos contratos laborais en vigor.

## Sétima.- Comisión de seguimento

Constitúese unha comisión de seguimento formada por dous representantes de cada unha das partes asinantes do convenio. Esta comisión estará presidida por un representante da Universidade de Vigo e reunirase trimestralmente ou sempre que o aconsellen especiais circunstancias.

Correspóndenlle a esta comisión o exercicio das seguintes funcións:

- Estudar e decidir sobre as propostas de programas e proxectos a desenvolver, que lle sexan presentados.
- Propor para a súa aprobación polos órganos competentes de ambas partes os programas e proxectos de actuación a desenvolver.
- A resolución de cantas controversias poidan xurdir no cumprimento do convenio.
- A interpretación, supervisión e control do contido deste convenio.
- A revisión da retribución percibida por FEUGA.
- Determinar a propiedade industrial dos resultados acadados cos programas ou proxectos desenvoltos, así como as condicións en que se realizará a explotación dos mesmos.

## Oitava.- Utilización de resultados.

Cada unha das partes se compromete a non difundir, baixo ningún aspecto, as informacóns científicas ou técnicas pertencentes á outra parte ás que tivera acceso no desenvolvemento dos programas ou proxectos desenvolvidos, mentres esas informacóns non sexan de dominio público.

Os datos e informacions obtidos durante a realización de proxectos ou programas conxuntos así como os resultados finais terán carácter confidencial, sen prexuízo das remisións de información que, en relación cos proxectos fagan as entidades ou os seus órganos colexiados de goberno ou similares.

Tanto en publicacións como en patentes se respectará sempre a mención aos autores do traballo, debendo figurar a calidade dos inventores. En calquera dos casos de difusión de resultados, se fará sempre referencia especial ao convenio específico.

Respecto á titularidade e xeitos de explotación dos resultados obtidos como consecuencia da colaboración nos proxectos e contratos de investigación, estarase ao que, en cada caso, se pacte en cada convenio específico ou contrato formalizado ó amparo do artigo 83 da LOU.

## **Novena.- Vixencia e modificación**

O presente convenio terá unha vixencia de 3 anos. Non obstante, prorrogarase automaticamente por períodos anuais, agás denuncia expresa de calquera das partes, mediando notificación formal á outra parte cunha antelación mínima de tres meses.

O convenio poderá ser modificado antes de que remate a súa vixencia por mutuo acordo entre as partes que deberá ser comunicado por escrito a FEUGA cunha antelación de, polo menos, 3 meses. En todo caso, o convenio deberá ser modificado de mutuo acordo cando proceda a adaptación do seu contido ao disposto na lexislación vixente e na normativa interna da Universidade de Vigo.

## **Décima.- Causas de extinción**

Serán causas constitutivas de resolución anticipada do convenio os seguintes supostos:

- O incumprimento de calquera das súas cláusulas, mediando notificación da outra parte cunha antelación mínima dun mes.

- O mutuo acordo das partes.
- A imposibilidade sobrevida do cumprimento das actividades descritas no convenio.

Ante a concorrencia de calquera causa de extinción procederá a oportuna liquidación do convenio.

## **Undécima.- Derrogación de anteriores acordos**

Coa formalización deste convenio quedan extinguídos e sen efecto cants documentos públicos ou privados teñan sido subscritos entre as partes e que coincidan co obxecto do presente convenio. Sen prexuízo de que se executen as accións concertadas ao abeiro daqueles acordos e esgoten os seus efectos na forma, condicións e prazos previstos neles.

En concreto, os contratos que ven xestionando FEUGA por xestión delegada ao abeiro do convenio de 3 de outubro de 2007, seguirán executándose e sendo regulados polas condicións económicas previstas no devandito convenio.

## **Duodécima.- Réxime xurídico**

O presente convenio posúe natureza administrativa, rexendo na súa interpretación e desenvolvemento o ordenamento xurídico-administrativo que corresponda.

Para a resolución de todo litixio, discrepancia, cuestión ou reclamación resultante da execución ou interpretación do convenio que non se poida solucionar no seo da comisión de seguimento, as partes sométense á orde xurisdiccional contencioso-administrativa.

As partes asinantes se comprometen a tratar de resolver de xeito amigable calquera dúbida ou conflito que puidera xurdir na aplicación ou interpretación do presente Convenio.

## Décimo terceira.- Non exclusividade.

Este convenio non implica unha exclusividade nas súas actividades para ningunha das partes, podendo cada unha delas formalizar cuntos convenios ou contratos estimen oportunos para realizar actividades iguais ou similares ás descritas no contrato.

E, en proba da conformidade co contido do presente convenio, assínase por duplicado exemplar no lugar e data indicados no encabezamento.



Salustiano Mato de la Iglesia

Por FEUGA

Francisco Javier Pereiro Pérez.

